

Henny Eman a raiz di desaroyonan cu ruta

Gabinete Eman a traha ariba plan pa ruta di carnaval

Ruta mester a worde atendi mescos cu campamento

ORANJESTAD(AAN)--

Dos aña pasa Gabinete Eman a laga expertonan traha ariba un plan pa Campamento y un plan pa Ruta di Carnaval pa asina elimina problemanan pa semper. E dos plannan tabata tin mes raiz: reparti e terenonan, cu lo a worde otorga na cada persona.

Ayeramainta Mr. Henny Eman a muestra cu e no ta comprende pakico mester a surgi

tanto problema cu asunto di lugar pa trailerman.

El a muestra cu e problema aki ta parecido na esun di campamento, cu a keda regla pa Gabinete Eman, cu asina a pone fin na problemanan cu tur aña tabata presenta nan mes. A introduci un sistema di permiso, caminda hopi tempo di antemano ya ta otorga espacio na esnan cu kier esey pa campa,

mientras a crea facilidadnan manera Toilet. E solucion aki a significa cu Gobierno a haya un entrada, cu publico a keda satisfecho, mientras na mes momento tur hende ta tene e pida tereno cu nan a haya limpi despues di e actividadnan.

Na mes manera a laga traha ariba un plan pa e ruta di Carnaval, cu no por a worde introduci como cu eleccion a trece

cambio den gobernacion. Segun e plan aki, mester a reparti e lugar pa estaciona trailer den diferente lote, cu lo a worde otorga na personanan cu ta registra di antemano y ta keda encarga cu e lote aki.

E plan aki mester a yuda estimular tambe un mihor presentacion di trailernan, cu ya no por worde saca for di ambiente di Carnaval.

"Mescos cu tur otro cos cu Gabinete Eman a haci, Gabinete Oduber a dicidi di laga e plan aki un banda y awe tin problema cu asunto di trailer," Mr. Henny Eman a indica, mustrand cu tur problema por a worde evita si a sigui e plan, cu tabata simplemente basa ariba logica.

Segun Comisario interino Rasmijn
Si gobierno kier mantene e ruta di carnaval e lo respeta esaki

ORANJESTAD(AAN) -- Comisario interino Rasmijn durante un conferencia di prensa a muestra cu pa defende e derecho di cada ciudadano a cambia e ruta ya cu tur esnan cu si a mantene nan mes na e reglanan, a bira victima.

El a bisa cu si laga violacion di regla sigui tuma lugar, lo crea desobediencia di ley.

Na dado momento e pregunta a worde haci, si Gobierno dicidi cu e ruta anterior mester worde manteni, kico Polis lo haci.

Comisario interino, Rasmijn a bisa cu mester respeta nos constitucion. Si na dado momento Gobierno bisa cu lo mantene e ruta anterior, ta respeta esaki.


El a muestra tambe cu pa otro aña lo bin cu un otro ruta. Si resulta cu Vondellaan y Smith Boulevard ta esun mas adecua lo bolbe use.

Pa evita problema di stacionamento di trailer, otro aña cada persona lo mester paga pa e pida tereno cu nan lo usa pa staciona nan trailer. E pagamento lo ta segun e grandura di e trailer.

Serlimar lo reparti saconan parada grandi

ORANJESTAD(AAN)- Servicio di Limpieza Arubano ta participa na e publico cu tanto ariba Diasabra 24, como Diadomingo 25 di Februari proximo nan lo reparti saconan di plastic pa deposita tur desperdicionan. Esaki prome cu e parada di carnaval cuminsa.

Ademas Kiwanis Key Club y Women's Club tambe tin saconan disponible pa e publico, gruponan cu ta participa den parada, y naturalmente tambe pa esnan cu ta p[ara banda di caminda pa goza di e ambiente carnavalesco. Ta solicita interesadonan pa yuda reparti e saconan.



DEN STRADA COMPLEX NOBO

Den Carnaval 36
DYNASTY
cu mihor prijs!

SALE-SALE-SALE
10% - 50%
SALE-SALE-SALE

JEANS
SHORTS

BERMUDA
SHORTS

T-SHIRTS

JEANS
★

TURTLE
NECKS

TUIN-PAK
DIJEANS

CAMISA YEN
DICOLOR

BAGGY
JEANS
★